

ხელშეკრულება სახელმწიფო შესყიდვის შესახებ # 60-7-221-486

ქ. თბილისი

21 მაისი 2021 წ.

1. მხარეები

წინამდებარე ხელშეკრულება დადებულია 2021 წლის 21 მაისს, ერთი მხრივ სს „საქართველოს სახელმწიფო ელექტროსისტემა“-სა, წარმოდგენილი მისი დირექტორის შესყიდვებისა და ლოგისტიკის საკითხებში - დირექტორთა საბჭოს წევრის დავით ვარდიამილის (მინდობილობა #210480626) სახით (შემდგომში - „შემსყიდველი“) და მეორეს მხრივ შპს „ორიენტ ლოჯიკ“-ს შორის, წარმოდგენილი მისი დირექტორის ვაჟა ნასყიდაშვილის სახით (შემდგომში - „მიმწოდებელი“), რომლებიც მოქმედებენ საზოგადოების წესდებისა და მოქმედი კანონმდებლობის საფუძველზე.

2. ხელშეკრულების საგანი

- 2.1. „მიმწოდებელი“ ვალდებულია მიანოდოს „შემსყიდველს“ ქსელური მოწყობილობების და ვირტუალიზაციის პროგრამული უზრუნველყოფის 3 წლიანი მწარმოებლის საგარანტიო მომსახურებისა და ტექნიკური მხარდაჭერის შესყიდვა - Vmware ლიცენზიები (CPV-48800000; 48820000) წინამდებარე ხელშეკრულების, მისი დანართი #1-ის (ფასების ცხრილი), დანართი #2-ის (ტექნიკური დავალება) შესაბამისად;
- 2.2. დანართი #1 და დანართი #2 წარმოადგენს წინამდებარე ხელშეკრულების განუყოფელ ნაწილს;
- 2.3. წინამდებარე ხელშეკრულება დაიდო სახელმწიფო შესყიდვის შესახებ საქართველოს კანონის მე-3 მუხლის პირველი პუნქტის უ) ქვეპუნქტის შესაბამისად.

3. საქონლის ღირებულება და ანგარიშსწორების პირობები

- 3.1 საქონლის საერთო ღირებულება განსაზღვრულია წინამდებარე ხელშეკრულების დანართი #1-ის (ფასების ცხრილი) შესაბამისად და შეადგენს 206 796 (ორასექსი ათას შვიდასოთხმოცდათექვსმეტი) აშშ დოლარი დღგ-ს ჩათვლით (შემდგომში - „ხელშეკრულების ღირებულება“);
- 3.2 ანგარიშსწორება შემსყიდველის მიერ განხორციელდება III ეტაპად: ყოველწლიურად სამი წლის განმავლობაში. პრეტენდენტის მიერ დაფიქსირებული შესყიდვის ჯამური ღირებულება გაიყოფა სამ თანაბარ ტრანშად თითოეულ წელზე:
I ეტაპი: - ჯამური ღირებულების 1/3-ის ანგარიშსწორება განხორციელდება ხელშეკრულების გაფორმების შემდეგ მოწოდებულ საქონელზე მიღება-ჩაბარების აქტის გაფორმებისა და საგადასახადო ანგარიშ-ფაქტურის წარმოდგენის შემდეგ 8 (რვა) სამუშაო დღის განმავლობაში;
II ეტაპი: - ჯამური ღირებულების 1/3-ის ანგარიშსწორება განხორციელდება მხარეებს შორის მიღება-ჩაბარების აქტის გაფორმებისა და I ეტაპის ღირებულების გადახდის 1 წლის თავზე, ანაზღაურებისათვის სათანადო დოკუმენტაციის წარმოდგენის შემდეგ 8 (რვა) სამუშაო დღის განმავლობაში;
III ეტაპი: - ჯამური ღირებულების 1/3-ის ანგარიშსწორება განხორციელდება მხარეებს შორის მიღება-ჩაბარების აქტის გაფორმებისა და I ეტაპის ღირებულების გადახდის 2 წლის თავზე, ანაზღაურებისათვის სათანადო დოკუმენტაციის წარმოდგენის შემდეგ 8 (რვა) სამუშაო დღის განმავლობაში.

ელექტრონული ტენდერი SPA210000937 ქსელური მოწყობილობების და ვირტუალიზაციის პროგრამული უზრუნველყოფის 3 წლიანი მწარმოებლის საგარანტიო მომსახურებისა და ტექნიკური მხარდაჭერის შესყიდვა - VMware ლიცენზიების შესყიდვის შესახებ, მიმწოდებელი - შპს „ორიენტ ლოჯიკ“

3.3 მიღება-ჩაბარების აქტის გაფორმებიდან ანგარიშსწორებისათვის განსაზღვრული ვადის დადგომამდე საქონელზე აღმოჩენილი ხარვეზის ან/და ნაკლის არსებობის შემთხვევაში, „მიმწოდებელი“ ვალდებულია „შემსყიდველის“ წერილობითი შეტყობინების მიღებისთანავე გონივრულ ვადაში, მაგრამ არაუმეტეს 30 (ოცდაათი) კალენდარული დღის განმავლობაში, საკუთარი ხარჯებით გამოასწოროს აღმოჩენილი ნაკლოვანება ან წუნდებული საქონელი შეცვალოს ახლით. წინააღმდეგ შემთხვევაში აღნიშნული დააყოვნებს ანგარიშსწორების პროცესს იმ ვადით, სანამ მიმწოდებლის მიერ სრულად და ჯეროვნად არ შესრულდება ამ მუხლით განსაზღვრული ვალდებულება;

3.4 ანგარიშსწორება განხორციელდება ლარში უნაღდო ანგარიშსწორების ფორმით გადახდის დღეს საქართველოს ეროვნული ბანკის მიერ დაფიქსირებული ოფიციალური გაცვლითი კურსის მიხედვით აშშ დოლართან მიმართებაში.

4. საქონლის მიწოდების ვადა და ადგილი

4.1 „მიმწოდებელი“ ვალდებულია გადასცეს „შემსყიდველს“ ნივთობრივი და უფლებრივი ნაკლისაგან თავისუფალი საქონელი ხელშეკრულების გაფორმებიდან 5 (ხუთი) სამუშაო დღის განმავლობაში შემდეგ მისამართზე: ქ. თბილისი ბარათაშვილის ქუჩა N2, სს "სსე"-ს სათავო ოფისი.

4.2 საქონლის მიწოდება უნდა განხორციელდეს სამუშაო საათებში (ორშაბათიდან პარასკევის ჩათვლით, 09:00 - 18:00 სთ., ოფიციალური უქმე დღეების გარდა). თუ საქონლის მიწოდება დაემთხვა არასამუშაო დღეს, მიმწოდებელმა საქონლის მიწოდება უნდა უზრუნველყოს მომდევნო სამუშაო დღეს;

5 მხარეთა უფლება-მოვალეობები

5.1 საქონლის მიწოდება უნდა განხორციელდეს წინამდებარე ხელშეკრულების დანართი #1-ის (ფასების ცხრილი), დანართი #2-ის (ტექნიკური დავალების) შესაბამისად;

5.2 „შემსყიდველი“ ვალდებულია:

5.2.1 ხელშეკრულებით გათვალისწინებული პირობების თანახმად გადაიხადოს მიწოდებული საქონლის ღირებულება;

5.2.2 შეამოწმოს საქონლის მდგომარეობა ვარგისიანობაზე;

5.2.3 წერილობით შეატყობინოს „მიმწოდებელს“ მიღების ან ექსპლუატაციის დროს საქონელზე შემჩნეული ნაკლის აღმოჩენისთანავე.

6 ხელშეკრულების შესრულების კონტროლი

6.1 „შემსყიდველს“ ან მის წარმომადგენელს უფლება აქვს ხელშეკრულების შესრულების ნებისმიერ ეტაპზე განახორციელოს კონტროლი „მიმწოდებლის“ მიერ ნაკისრი ვალდებულებების შესრულებაზე;

6.2 „მიმწოდებელი“ ვალდებულია საკუთარი ხარჯებით უზრუნველყოს კონტროლის შედეგად გამოვლენილი ყველა დეფექტის ან ნაკლის აღმოფხვრა;

6.3 „შემსყიდველის“ მხრიდან ხელშეკრულების შესრულებაზე კონტროლს ახორციელებს სს „საქართველოს სახელმწიფო ელექტროსისტემის“ საინფორმაციო სისტემების ადმინისტრირების სამსახურის უფროსი გიორგი პერანიძე.

6.4 კონტროლი განხორციელდება მიწოდებული საქონლის ხარისხისა და მიწოდების ვადების შესაბამისობით ხელშეკრულების პირობებთან.

7 შესყიდვის ობიექტის მიღება-ჩაბარების წესი

- 7.1 მიღება-ჩაბარების აქტი ფორმდება ეტაპობრივად, ხელშეკრულების მე-3 მუხლში განვლილი ეტაპების მიხედვით, ფაქტიურად მიწოდებულ საქონელზე;
- 7.2 მიღება-ჩაბარების აქტზე ხელმომწერი პირია სს „სსე“-ს შესაბამისი დირექტორთა საბჭოს წევრი ან/და შესაბამისი დეპარტამენტის უფროსი.
- 7.3 საქონლის მოწოდებისას „შემსყიდველის“ მიერ წინამდებარე ხელშეკრულების მე-6 მუხლის 6.3 პუნქტით განსაზღვრული პირი ამოწმებს მოწოდებული საქონლის შესაბამისობას წინამდებარე ხელშეკრულების პირობებთან. ხარვეზების (წუნდების) არ არსებობის შემთხვევაში „შემსყიდველსა“ და „მიმწოდებელს“ შორის ფორმდება მიღება-ჩაბარების აქტი ფაქტობრივად მიღებული საქონლის მიხედვით;
- 7.4 საქონელი მიღებულად ჩაითვლება მხარეთა შორის მიღება-ჩაბარების აქტის გაფორმებისთანავე. მიღება-ჩაბარების გაფორმების შემდგომ პასუხისმგებლობა საქონელზე გადადის შემსყიდველზე.

8 ხელშეკრულების შესრულების უზრუნველყოფის გარანტია

- 8.1 შემსყიდველის მხრიდან ხელშეკრულების შესრულების უზრუნველყოფის გარანტია (საბანკო გარანტია) (ხელშეკრულების ღირებულების 1%) რომელიც წარმოდგენილია მიმწოდებლის მიერ გამოყენებული იქნება შემდეგ შემთხვევებში, თუ:
- 8.1.1 მიმწოდებლის მხრიდან საქონლის მოწოდების ვადა ირღვევა 30 (ოცდაათი) კალენდარულ დღეზე მეტი ხნის განმავლობაში;
- 8.1.2 მიმწოდებლის მიერ მოწოდებული საქონელი არ შეესაბამება წინამდებარე ხელშეკრულებით განსაზღვრულ მოთხოვნებს.
- 8.2 წინამდებარე ხელშეკრულების 8.1 პუნქტით გათვალისწინებულ შემთხვევებში „შემსყიდველი“ საბანკო გარანტიის საფუძველზე უპირობოდ და შეუქცევადად იღებს მთელ გარანტირებულ თანხას (ხელშეკრულების ღირებულების 1%);
- 8.3 შემსყიდველის მხრიდან ხელშეკრულების შესრულების უზრუნველყოფის გარანტიის (საბანკო გარანტიის) გამოყენება არ ათავისუფლებს მიმწოდებელს წინამდებარე ხელშეკრულების მე-9 მუხლით განსაზღვრული მხარეთა პასუხისმგებლობის ვალდებულებებისაგან.

9 მხარეთა პასუხისმგებლობა

- 9.1 „მიმწოდებლის“ მიზგზით საქონლის დაგვიანებით, არასრულად, ხარვეზით ან საერთოდ არ მიწოდების შემთხვევაში, „მიმწოდებელი“ მოვალეა გადაიხადოს პირგასამტეხლო მოუწოდებელი საქონლის ღირებულების 0,1%-ის ოდენობით, ყოველ ვადა გადაცილებულ დღეზე, ხარისხიანი საქონლის სრულად მიწოდების დღემდე ან ხელშეკრულების შეწყვეტის დღემდე, რომელი ვადაც უფრო ადრე დადგება.
- 9.2 „შემსყიდველის“ მიერ ხელშეკრულებით გათვალისწინებული საქონლის ღირებულების ვადაგადაცილებით (არადროულად) გადახდის შემთხვევაში, „მიმწოდებელი“ უფლებამოსილია მოსთხოვოს „შემსყიდველს“ პირგასამტეხლოს გადახდა გადაუხდელი თანხის 0.1% ოდენობით ყოველ ვადა გადაცილებულ დღეზე წინამდებარე ხელშეკრულების შეწყვეტამდე, ან თანხის სრულად გადახდამდე, რომელი ვადაც უფრო ადრე დადგება.
- 9.3 ხელშეკრულებით გათვალისწინებული ვალდებულებების ცალმხრივად შეუსრულებლობისათვის მხარეებს ეკისრებათ ვალდებულება აანაზღაურონ მიყენებული ზარალი სრული მოცულობით საქართველოს კანონმდებლობით დადგენილი წესით.

ზარალის ანაზღაურება ან მისი მოთხოვნა არ აჩერებს ამ მუხლით გათვალისწინებულ პირგასამტეხლოს დარიცხვას.

9.4 „შემსყიდველი“ უფლებამოსილია ფაქტიურად მიწოდებული საქონლის ღირებულების ანაზღაურებისას გამოქვითოს (შეამციროს ანაზღაურება) ამ მუხლით გათვალისწინებული და „მიმწოდებელზე“ დარიცხული პირგასამტეხლოს თანხა „მიმწოდებლისათვის“ გადასახდელი თანხის ოდენობიდან. აღნიშნული გამოქვითვა არ შეიძლება გახდეს „მიმწოდებლის“ მხრიდან „შემსყიდველისათვის“ 9.2 პუნქტით გათვალისწინებული პირგასამტეხლოს დარიცხვის საფუძველი.

10 ფორს-მაჟორი

10.1 ხელშეკრულების პირობების ან რომელიმე მათგანის მოქმედების შეჩერება ფორს-მაჟორული გარემოებების დადგომის გამო არ იქნება განხილული როგორც ხელშეკრულების პირობების შეუსრულებლობა ან დარღვევა და არ გამოიწვევს საჯარიმო სანქციების გამოყენებას;

10.2 ამ მუხლის მიზნებისათვის „ფორს-მაჟორი“ ნიშნავს მხარეებისათვის გადაულახავ და მათი კონტროლისაგან დამოუკიდებელ გარემოებებს, რომლებიც არ არიან დაკავშირებული მათ შეცდომებსა და დაუდევრობასთან და რომლებსაც გააჩნიათ წინასწარ გაუთვალისწინებელი ხასიათი. ასეთი გარემოება შეიძლება გამოწვეული იქნას ომით ან სტიქიური მოვლენებით, ეპიდემიით, კარანტინით, ემბარგოს დაწესებით და სხვა. ფორს-მაჟორის არსებობის საკმარის დამადასტურებელ ცნობად მხარეები განიხილავენ შესაბამისი ქვეყნის სავაჭრო-სამრეწველო პალატის მიერ გაცემულ სათანადო ცნობას.

10.3 ფორს-მაჟორული გარემოებების დადგომის შემთხვევაში ხელშეკრულების დამდებმა მხარემ, რომლისთვისაც შეუძლებელი ხდება ნაკისრი ვალდებულებების შესრულება, დაუყოვნებლივ უნდა გაუგზავნოს მეორე მხარეს წერილობითი შეტყობინება ასეთი გარემოებების და მათი გამომწვევი მიზეზების შესახებ. თუ შეტყობინების გამგზავნი მხარე არ მიიღებს მეორე მხარისაგან წერილობით პასუხს, იგი თავისი შეხედულებისამებრ, მიზანშეწონილობისა და შესაძლებლობისა და მიხედვით აგრძელებს ხელშეკრულებით ნაკისრი ვალდებულებების შესრულებას და ცდილობს გამონახოს ვალდებულებების შესრულების ისეთი ალტერნატიული ხერხები, რომლებიც დამოუკიდებელნი იქნებიან ფორს-მაჟორული გარემოებების ზეგავლენისაგან.

11 ურთიერთობა მხარეებს შორის

11.1 ნებისმიერი ოფიციალური ურთიერთობა ხელშეკრულების დამდებ მხარეებს შორის უნდა ატარებდეს წერილობით ფორმას. წერილობითი შეტყობინება, რომელსაც ერთი მხარე ხელშეკრულების შესაბამისად უგზავნის მეორე მხარეს, ხორციელდება საფოსტო გზავნილის ან ელექტრონული კომუნიკაციის გზით ხელმძღვანელობაზე ან /და წარმომადგენლობაზე უფლებამოსილი პირის ან ამ კონტრაქტის ფარგლებში უფლებამოსილი საკონტაქტო პირების (ელექტრონული კომუნიკაციის შემთხვევაში) მიერ. ოპერატიული კავშირის დამყარების მიზნით დასაშვებია შეტყობინების მეორე მხარისათვის მიწოდება ელ. ფოსტით (წერილის სკანირებული ვარიანტი) ან ფაქსის გაგზავნის გზით, შემდგომში ორიგინალის მიწოდების პირობით;

11.2 შეტყობინება შედის ძალაში ადრესატის მიერ მისი მიღების დღეს ან შეტყობინების ძალაში შესვლის დადგენილ დღეს, იმის მიხედვით, თუ ამ თარიღებიდან რომელი უფრო გვიან დგება;

ელექტრონული ტენდერი SPA210000937 ქსელური მოწყობილობების და ვირტუალიზაციის პროგრამული უზრუნველყოფის 3 წლიანი მწარმოებლის საგარანტიო მომსახურებისა და ტექნიკური მხარდაჭერის შესყიდვა - VMware ლიცენზიების შესყიდვის შესახებ, მიმწოდებელი - შპს „ორიენტ ლოჯიკ“

11.3 ამ მუხლის პირველი პუნქტის მიზნებისთვის ელექტრონული კომუნიკაციის წარმოების პროცესში პასუხისმგებელი პირის დანიშვნა, საკონტაქტო საკითხების მითითებით ხორციელდება მხარის მიერ წერილობითი შეტყობინების საფუძველზე.

12 ხელშეკრულების პირობების შეცვლა და/ან ვადამდე მოშლა

12.1 ამ ხელშეკრულებაში ნებისმიერი ცვლილება და/ან დამატება შეიძლება შეტანილი იქნეს მხარეთა წერილობითი შეთანხმების საფუძველზე;

12.2 შესყიდვის შესახებ ხელშეკრულების პირობების შეცვლა დაუშვებელია, თუ ამ ცვლილების შედეგად იზრდება ხელშეკრულების საერთო ღირებულება ან უარესდება ხელშეკრულების პირობები შემსყიდველი ორგანიზაციისათვის, გარდა საქართველოს სამოქალაქო კოდექსის 398-ე მუხლით გათვალისწინებული შემთხვევისა, ამასთან, ასეთ შემთხვევაშიც დაუშვებელია ხელშეკრულების ჯამური ღირებულების 10%-ზე მეტი ოდენობით გაზრდა;

12.3 ხელშეკრულება შეიძლება ვადამდე მოიშალოს:

12.3.1 მხარეთა შეთანხმებით;

12.3.2 ერთ-ერთი მხარის განცხადებით მეორე მხარის მიერ ხელშეკრულებით გათვალისწინებული პირობების არსებითად დარღვევის შემთხვევაში;

12.4 „შემსყიდველს“ შეუძლია ხელშეკრულება ვადამდე შეწყვიტოს:

12.4.1 თუ „შემსყიდველისათვის“ ცნობილი გახდა, რომ მისგან დამოუკიდებელი მიზეზების გამო იგი ვერ უზრუნველყოფს ხელშეკრულებით ნაკისრი ვალდებულებების შესრულებას;

12.4.2 „მიმწოდებლის“ გაკოტრების შემთხვევაში;

12.4.3 თუ მისთვის ცნობილი გახდება, რომ „მიმწოდებლის“ მიერ მოწოდებული ინფორმაცია ყალბი აღმოჩნდება, რაც წარმოადგენს „შემსყიდველის“ მხრიდან ნდობის დაკარგვის საფუძველს.

12.4.4 საქართველოს კანონმდებლობით გათვალისწინებულ სხვა შემთხვევებში.

12.5 ამ მუხლის 12.4 პუნქტში მითითებულ შემთხვევებში „შემსყიდველი“ ვალდებულია აუნაზღაუროს „მიმწოდებელს“ ფაქტობრივად მიწოდებული საქონლის ღირებულება.

13 ხელშეკრულების შესრულების შეფერხება

13.1 თუ ხელშეკრულების შესრულების პროცესში მხარეები წააწყდებიან რაიმე ხელშემშლელ გარემოებებს, რომელთა გამო ფერხდება ხელშეკრულების პირობების შესრულება, ამ მხარემ დაუყოვნებლივ უნდა გაუგზავნოს მეორე მხარეს წერილობითი შეტყობინება შეფერხების ფაქტის, მისი შესაძლო ხანგრძლივობის და გამომწვევი მიზეზების შესახებ. შეტყობინების მიმღებმა მხარემ რაც შეიძლება მოკლე დროში უნდა აცნობოს მეორე მხარეს თავისი გადანყვეტილება, მიღებული აღნიშნულ გარემოებებთან დაკავშირებით;

13.2 იმ შემთხვევაში, თუ ხელშეკრულების პირობების შესრულების შეფერხების გამო მხარეები შეთანხმდებიან ხელშეკრულების პირობების შესრულების ვადის გაგრძელების თაობაზე, ეს გადანყვეტილება უნდა გაფორმდეს ხელშეკრულებაში ცვლილების შეტანის გზით.

14 დავის განხილვა

14.1 ხელშეკრულების დამდები მხარეები თანხმდებიან მასზედ, რომ ყველა ღონეს იხმარენ, რათა მოლაპარაკებების მეშვეობით, შეთანხმებით მოავგარონ ნებისმიერი უთანხმოება და

ელექტრონული ტენდერი SPA210000937 ქსელური მოწყობილობების და ვირტუალიზაციის პროგრამული უზრუნველყოფის 3 წლიანი მწარმოებლის საგარანტიო მომსახურებისა და ტექნიკური მხარდაჭერის შესყიდვა -

Vmware ლიცენზიების შესყიდვის შესახებ, მიმწოდებელი - შპს „ორიენტ ლოჯიკ“

დავა, წარმოქმნილი მათ შორის ხელშეკრულების ან მასთან დაკავშირებული საკითხების ირგვლივ;

14.2 თუ ასეთი მოლაპარაკებების დაწყებიდან 30 (ოცდაათი) კალენდარული დღის განმავლობაში მხარეები ვერ შესძლებენ სადაო საკითხების შეთანხმებას, ნებისმიერ მხრეს დავის გადაწყვეტის მიზნით შეუძლია დადგენილი წესით მიმართოს საქართველოს სასამართლოს. დავის განხილვა მოხდება საქართველოს კანონმდებლობის შესაბამისად.

15 ხელშეკრულების მოქმედების ვადები

15.1 ხელშეკრულება ძალაში შედის მხარეთა მიერ ხელმოწერისთანავე;

15.2 ხელშეკრულების მოქმედების ვადა ამოწურულად ჩაითვლება აღნიშნული პირობების შესრულებისთანავე, მაგრამ არაუგვიანეს 2024 წლის 30 ივლისის ჩათვლით.

16 ხელშეკრულების სხვა პირობები

16.1 ხელშეკრულება შედგენილია ქართულ ენაზე;

16.2 ამ ხელშეკრულებით გათვალისწინებულ შემთხვევებში, მხარეები მოქმედებენ საქართველოში მოქმედი კანონმდებლობის თანახმად;

16.3 წინამდებარე ხელშეკრულებით გათვალისწინებული პირობები შესასრულებლად სავალდებულოა მხარეთათვის და მათი შესაბამისი სამართალმემკვიდრეებისა და უფლებამონაცვლეთათვის. დაუშვებელია წინამდებარე ხელშეკრულებით გათვალისწინებული ვალდებულებების გადაცემა სხვა მხარისათვის მეორე მხარის წინასწარი წერილობითი თანხმობის გარეშე;

17 კონფიდენციალურობა და გაუმჟღავნებლობა

მხარეები აცნობიერებენ, რომ სს „საქართველოს სახელმწიფო ელექტროსისტემაში“ დანერგილია ინფორმაციული უსაფრთხოების მართვის სისტემა ISO/IEC 27001 მიხედვით და შესაბამისად, შემდგომ ურთიერთობებში ითვალისწინებენ „სს „საქართველოს სახელმწიფო ელექტროსისტემის“ კონფიდენციალურობისა და გაუმჟღავნებლობის პირობებს“, რომელიც გამოქვეყნებულია ვებ-გვერდზე www.gse.com.ge (ჩვენს შესახებ/შესყიდვები/კონტრაქტის პირობები).

18 მხარეთა რეკვიზიტები

„შემსყიდველი“:

სს „საქართველოს სახელმწიფო

ელექტროსისტემა“

ქ. თბილისი, ბარათაშვილის ქ. #2

ს/კ 204995176

სს „თი ბი სი ბანკი“

ბანკის კოდი # TBCBGE 22

ანგარიშის# GE02TB0600000102467636

„მიმწოდებელი“:

შპს „ორიენტ ლოჯიკ“

ტელ: 2541818

ფ/მ თბილისი, ვასო გოძიაშვილის ქუჩა, N71

ს/კ 202052054

სს „ბაზის ბანკი“

ბანკის კოდი: CBASGE22

ანგარიშის# GE96 BS00 0000 0005 9368 72

დავით ვარდიაშვილი

დირექტორი შესყიდვებისა და

ლოგისტიკის საკითხებში -

დირექტორთა საბჭოს წევრი

ვაჟა ნასყიდაშვილი

დირექტორი

დანართი #1

ფასების ცხრილი

N	შესყიდვის ობიექტის			ჯამური ღირებულება დღგ-ს ჩათვლით (აშშ დოლარი)
	დასახელება	რაოდ. (ცალი)	მწარმოებელი კომპანია	
1	ქსელური მონაცემების და ვირტუალიზაციის პროგრამული უზრუნველყოფის მწარმოებლის საგარანტიო მომსახურებისა და ტექნიკური მხარდაჭერის შესყიდვა - VMware ლიცენზიები (3 წლის ვადით)	1	HPE	206 796.00

„შემსყიდველი“:

სს „საქართველოს სახელმწიფო
ელექტროსისტემა“

დავით ვარდიაშვილი
დირექტორი შესყიდვებისა და
ლოგისტიკის საკითხებში -
დირექტორთა საბჭოს წევრი

„მიმწოდებელი“:

შპს „ორიენტ ლოჯიკ“

ვაჟა ნასყიდაშვილი

დირექტორი

ტექნიკური დავალება

პროექტის მიზანია სს“საქართველოს სახელმწიფო ელექტროსისტემაში“ გამოყენებაში არსებული სერვერული ინფრასტრუქტურისა და ვირტუალური გარემოს პროგრამული უზრუნველყოფის მხარდაჭერის ლიცენზიის გახანგრძლივება 3 წლით .

 მომსახურება უნდა მოიცავდეს ქვემოთ ჩამოთვლილ მოწყობილობებს და უნდა გრძელდებოდეს შესაბამის თარიღებამდე:

P/N და პროდუქტი	სპეციფიკაცია	სერიული ნომერი	მხარდაჭერის ამუშავების ვადა
681844-B21	HPE BLc7000 CTO 3 IN LCD Plat Enclosure	CZ273607HN	მხარდაჭერა უნდა გაგრძელდეს საქონლის მოწოდებაზე გაფორმებული მიღება-ჩაბარების აქტის გაფორმებიდან მომდევნო 3 (სამი) წლის მანძილზე
813198-B21	HPE BL460c G9 E5v4 10/20Gb FLB CTO Blade	CZ273607HM	
813198-B21	HPE BL460c G9 E5v4 10/20Gb FLB CTO Blade	CZ273607HL	
813198-B21	HPE BL460c G9 E5v4 10/20Gb FLB CTO Blade	CZ273607HK	
813198-B21	HPE BL460c G9 E5v4 10/20Gb FLB CTO Blade	CZ273607HJ	
C8S45A	Brocade 16Gb/16c Embedded SAN Switch	1CG733E00R	
C8S45A	Brocade 16Gb/16c Embedded SAN Switch	1CG733E017	
711307-B21	HPE 6125XLG Blade Switch	x	
711307-B21	HPE 6125XLG Blade Switch	x	
H6Y96B	HPE 3PAR 8400 2N+SW Storage Field Base	CZ3735P1C0	
767033-B21	HPE DL380 Gen9 4LFF CTO Server	CZJ7352L6K	
775506-B21	HPE DL180 Gen9 12LFF CTO Server	CZ2737094K	
JH323A	HPE 5130 24G 4SFP+ 1-slot HI Switch	CN77HD609M	
JH323A	HPE 5130 24G 4SFP+ 1-slot HI Switch	CN77HD60D2	
BD711A	VMw vSphere Std 1P 3yr SW	N522N-223Y5-Y8H3A-ACC0K-3M971	
BD711A	VMw vSphere Std 1P 3yr SW	J122N-221P7-Y8J33-AT3AM-A8V55	
BD711A	VMw vSphere Std 1P 3yr SW	JN227-621V7-A8T33-A1CAM-C0L55	
BD711A	VMw vSphere Std 1P 3yr SW	J5637-223Q5-U8T3A-A83UK-A4351	
BD711A	VMw vSphere Std 1P 3yr SW	NJ637-22JL7-A8J3A-A23KP-C5971	
BD711A	VMw vSphere Std 1P 3yr SW	N162N-62JUN-Y8H32-AR2AK-AN3Q1	
BD711A	VMw vSphere Std 1P 3yr SW	N163Q-623LN-A8H3C-A8AUK-2T955	
BD711A	VMw vSphere Std 1P 3yr SW	N5237-621LQ-U8J3A-A9C2P-C41N1	
P9U41AAE	VMw vCenter Server Std for vSph 3y E-LTU	N163Q-623LN-A8H3C-A8AUK-2T955	
BD749A	VMw vCntr SRM Std 25VM 3yr SW	J50CK-0Q1L2-T834A-A01R0-A0KQ4	
BD749A	VMw vCntr SRM Std 25VM 3yr SW	N5432-0Q3K0-T8C43-A3986-34850	

- საგარანტიო და ტექნიკური მხარდაჭერა უნდა მოიცავდეს აღნიშნული მოწყობილობების ყველა მაკომპლექტებელ ნაწილს და პროგრამულ უზრუნველყოფას.
- საგარანტიო და ტექნიკური მხარდაჭერის პერიოდის გახანგრძლივებამ არ უნდა გამოიწვიოს მწარმოებლის საგარანტიო პირობების გაუარესება ცხრილში მოცემული პროდუქტებისთვის.

„შემსყიდველი“:

სს „საქართველოს სახელმწიფო ელექტროსისტემა“

დავით ვარდიამილი
დირექტორი შესყიდვებისა და
ლოგისტიკის საკითხებში -
დირექტორთა საბჭოს წევრი

„მიმწოდებელი“:

შპს „ორიენტ ლოჯიკ“

ვაჟა ნასყიდაშვილი

დირექტორი



ბაზისბანკი
პუბლიკ ვაჭრის ბანკი

საბანკო გარანტია #132897
(ხელშეკრულების შესრულების)

13 მაისი 2021 წელი

პრინციპალი
ბენეფიციარი
გარანტი
საგარანტიო თანხის ზღვრული
მოცულობა

შპს „ორიენტ ლოჯიკი“ (მისამართი: ქ. თბილისი, ვ.გომიშვილის ქ. N71, ს/კ 202052054)
სს „საქართველოს სახელმწიფო ელექტროსისტემა“ (მისამართი: ქ. თბილისი, ბარათაშვილის ქ. N2, ს/კ 204995176)
სს „ბაზისბანკი“ (მისამართი: ქ. თბილისი, ქ. წამებულის გამზირი N1, ს/კ 203841833).

2,067.96 (ორი ათას სამოცდაშვიდი და 96/100) აშშ დოლარი

გარანტიის გაცემის საფუძველი:

- ბენეფიციარის მიერ 2021 წლის 02 აპრილს გამოცხადებული #SPA210000937 (ქსელური მოწყობილობების და ვირტუალიზაციის პროგრამული უზრუნველყოფის 3 წლიანი მწარმოებლის საგარანტიო მომსახურება და ტექნიკური მხარდაჭერა - VMware ლიცენზიები) ტენდერი;
- პრინციპალის მიერ წარდგენილი სატენდერო წინადადება, რომლის საფუძველზეც იგი ვალდებულია წარადგინოს საბანკო გარანტია, ტენდერში გამარჯვების შედეგად გასაფორმებელი ხელშეკრულების (შემდგომში „კონტრაქტი“) უზრუნველსაყოფად.

გარანტიით
უზრუნველყოფილი
ვალდებულება:

წინამდებარე საბანკო გარანტია უზრუნველყოფს პრინციპალის მიერ კონტრაქტით ნაკისრი ვალდებულებების შესრულებას.

გარანტი, გარანტსა და პრინციპალს შორის 2021 წლის 13 მაისს გაფორმებული საბანკო გარანტიის #2021-05-13/0009/LG/006041/183 ხელშეკრულების საფუძველზე, პრინციპალის მიერ ზემოთ მითითებული ვალდებულებების (ებ)ის ჯეროვნად შესრულების უზრუნველყოფის მიზნით, ბენეფიციარის წინაშე კისრულობს უპირობო და გამოუთხოვად ვალდებულებას, ყოველგვარი უარყოფისა და გასაჩივრების უფლების გარეშე ბენეფიციარის პირველივე წერილობითი მოთხოვნისთანავე, მოთხოვნის მიღების დღიდან 5 (ხუთი) საბანკო დღის ვადაში, გადაუხადოს ბენეფიციარს ფულადი თანხა საგარანტიო თანხის ფარგლებში.

საგარანტიო თანხის მოთხოვნა:

გარანტის მიერ საგარანტიო თანხის გადახდა განხორციელდება იმ შემთხვევაში, თუ პრინციპალის მიერ არ შესრულდა წინამდებარე საბანკო გარანტიით უზრუნველყოფილი ვალდებულება/ვალდებულებები.

ბენეფიციარის წერილობითი მოთხოვნაში საგარანტიო თანხის ანაზღაურების შესახებ მითითებული უნდა იყოს მოთხოვნილი თანხა და ის თუ რაში გამოიხატა პრინციპალის მიერ იმ ვალდებულებების (ებ)ის დარღვევა, რომლის უზრუნველსაყოფად გაიცა წინამდებარე საგარანტიო წერილი, ბენეფიციარის მხრიდან პრინციპალის მიერ ვალდებულების დარღვევის ფაქტის მტკიცებისა და მოთხოვნილი თანხის მოცულობის დასაბუთების გარეშე. მოთხოვნას თან უნდა ერთვის წინამდებარე საბანკო გარანტიის ასლი.

ბენეფიციარის წერილობითი მოთხოვნა საგარანტიო თანხის გადახდაზე გარანტს უნდა წარედგინოს ზემოთ მითითებულ მისამართზე, წინამდებარე საგარანტიო წერილის მოქმედების ვადის ამოწურვამდე, თბილისის დროით 18:00 საათამდე.

გარანტიის ძალაში შესვლა და
მოქმედების ვადა

წინამდებარე გარანტია ძალაში შედის 2021 წლის 13 მაისიდან და მოქმედებს 2021 წლის 12 ივლისის ჩათვლით, თუ კი გარანტიის მოქმედების ვადა მანამდე არ შეწყდა ამავე საბანკო გარანტიის წერილში მითითებული რომელიმე პირობის გამო.

გარანტიის მოქმედების
შეწყვეტა:

- გარანტიის მოქმედება წყდება ერთ-ერთ ქვემოთ აღნიშნულ შემთხვევაში:
- იმ ვადის გასვლა, რა ვადითაც არის იგი გაცემული;
- პრინციპალის მიერ გარანტიით უზრუნველყოფილი ვალდებულების სრულად შესრულება;
- გარანტის მიერ გარანტიის თანხის გადახდა;
- ბენეფიციარის მიერ თავის უფლებებზე უარის წერილობით განცხადება ან საგარანტიო წერილის ორიგინალის უკან დაბრუნება.

საბანკო გარანტიის თაობაზე წამოჭრილი ყველა დავა და უთანხმოება გადაწყდება მოლაპარაკების გზით, ხოლო შეთანხმების მიუღწევლობის შემთხვევაში, მხარეთა შორის დავას განიხილავს ქ. თბილისის საქალაქო სასამართლო საქართველოს მოქმედი კანონმდებლობის შესაბამისად.


პატივისცემით,

გიორგი გაბუნია

კომერციული დირექტორი

მანანა ვახტანგიშვილი

დოკუმენტური ოპერაციების დეპარტამენტის უფროსი



ბენეფიციარს შეუძლია გადაამოწმოს საბანკო გარანტიის სარწმუნოება სს „ბაზისბანკის“ ინტერნეტ გვერდზე <https://guaranteedoc.basisbank.ge>

საქართველო, თბილისი,
ქეთევან წამებულის გამზ. 1
1, Ketevan Tsamebuli Ave.,
Tbilisi, Georgia

+995 322 922 922
info@basisbank.ge
www.basisbank.ge



სს „საქართველოს სახელმწიფო ელექტროსისტემას“

2021 წლის „13“ მაისის #132897

საგარანტიო წერილის ვადის გაგრძელების შესახებ #132897-1

14 მაისი, 2021 წელი

გაცნობებთ, რომ შპს „ორიენტ ლოჯიკი“-ს მიერ სს „საქართველოს სახელმწიფო ელექტროსისტემა“-ს მიმართ ნაკისრი ვალდებულებების უზრუნველყოფის მიზნით სააქციო საზოგადოება „ბაზისბანკი“-ს მიერ 2021 წლის „13“ მაისს გაცემულ #132897 საგარანტიო წერილში („საბანკო გარანტია“) განხორციელდა შემდეგი სახის ცვლილება:

- საბანკო გარანტიის მოქმედების ვადა განისაზღვრა 2021 წლის 02 აგვისტოს ჩათვლით.

საბანკო გარანტიის ყველა სხვა პირობა დარჩა უცვლელი.

პატივისცემით,

ვახტანგ ვახანია

კორპორატიული განყოფილების უფროსი

მანანა ვახტანგიშვილი

დოკუმენტური ოპერაციების და ფაქტორინგის მენეჯერი

